

42918

ORDO

IN ACTIONIBUS

SECUNDAE

SYNODI DIOECESANAE LAVANTINAE,

ANNO 1896 CELEBRANDAE,

SERVANDUS.



EX MANDATO

CELSISSIMI AC REVERENDISSIMI

DOMINI DOMINI

MICHAELIS,


PRINCIPIS-EPISCOPI LAVANTINI.



MARBURGI, 1896.

SUMPTIBUS PR.-EP. ORDINARIATUS LAVANTINI.

TYPIS TYPOGRAPHIAE S. CYRILLI.



ORDO

IN ACTIONIBUS

SECUNDAE

SYNODI DIOECESANAE LAVANTINAE,

ANNO 1896 CELEBRANDAE,

SERVANDUS.



EX MANDATO

CELSISSIMI AC REVERENDISSIMI

DOMINI DOMINI

MICHAELIS, [Народник]

PRINCIPIS-EPISCOPI LAVANTINI.



MARBURGI, 1896.

SUMPTIBUS PR.-EP. ORDINARIATUS LAVANTINI.

TYPIS TYPOGRAPHIAE S. CYRILLI.

42918



030019744

Praenotanda.

Actiones Synodi dioecesanae, cujus faciendae norma secundum rubricas Caeremonialis Episcoporum nec non Pontificalis Romani hisce explicatur, auxiliante Deo expedientur in Congregationibus et publicis Sessionibus omnium ad Synodum convenientium.

Congregationes habebuntur

1. *particulares* seu consultationes Sectionum, praesentibus videlicet illis Synodi Sodalibus, qui pro singulis Sectionibus Consultores constituentur.
2. *generales*, quibus omnes Synodi Sodales et Officiales interesse jubentur.

Sessiones publicae illi vocantur omnium Synodi Sodalium *sollemnes* consessus, in quibus servato ritu sacro per *Caeremoniale* et *Pontificale* praescripto, quae ad Synodum pertinent, peraguntur et, quae in Synodo decreta sunt, sollemniter promulgantur.

Expedientur vero actiones synodales tribus *Sessionibus publicis*, quibus quinque Congregationes generales praemittentur, pridie cujuslibet Sessionis publicae habendae; *Congregationes* particulares seu consultationes Sectionum autem locum habebunt tempore libero.

Sessiones publicae et Congregationes generales celebrabuntur in ecclesia s. *Aloysii*; congregationes particulares vero in Seminario clericorum episcopali vel in aliis locis convenientibus.

De prima Congregatione generali.

Ad rite praeparandam actionem *primae Sessionis publicae* pridie hora pomeridiana quarta habebitur *prima Congregatio generalis*.

1. Omnes ad Synodum vocati, saeculares veste talari et choralis cum birreto, regulares habitu sui ordinis et superpelliceis induti, congregantur in Ecclesia Cathedrali s. Joannis Bapt. Exinde procedunt cruce Ecclesiae Cathedralis praelata in aulam episcopalem, unde fit processio sollemnis in ecclesiam s. Aloysii. Ordo in processione: Clerus, Reverendissimus Antistes, Capitulum Cathedrale. Preces in processione recitandae sunt:

Hymni: Veni sancte Spiritus. — Ave Maris stella.

Psalmi: Exultate iusti in Domino. Ps. 32 in feria 2.

Deus misereatur nostri. Ps. 65 in Laud. Dom.

Exurgat Deus. Ps. 68 in feria 4.

Quam dilecta tabernacula. Ps. 83 in feria 6.

Fundamenta eius. Ps. 86 in feria 6.

Ecce quam bonum. Ps. 132 in Vesp. feriae 5.

Nota. Qui crucem in Processione fert, Clericus saltem sit superpelliceo indutus, servet in omnibus decorem tanti vexilli, quod praefert, apte, decore et recte ferat, graviter et religiose incedat. Acolythy hinc inde cum candelabris accensis et in angustiori loco praeceant, Crucifer sequatur. Clerus ordine sequatur cum reverentia et religiosa devotione, ut exemplo suo excitetur populus ad pietatem. Salutationibus non vacent, colloquiis inter se abstineant, oculorum vagationem vitent.

- Bini aequae procedant et ne minimum quidem ab ordine discedant. Certum spatium semper servant inter se. In via nunquam subsistant, nisi jussi a Praefectis. Hymnos et Psalmos cantant ad praescriptum et de libro, ne errent.
2. Quum processio in ecclesiam seminarii clericalis venerit, Synodales loca ibi parata occupabunt, quae durante Synodo tenebunt. Quando processio non fit, Synodi Sodales veste talari cum biretto, regulares habitu sui ordinis, Officiales vero, exceptis Iudicibus synodalibus, Praefectis hospitiorum et Confessariis, veste choralis induti in ecclesia apparebunt.
 3. Celsissimus Antistes accipit stolam rubei coloris et flexis genibus incipit hymnum: *Veni Creator*, quo alternatim recitato post *Collectam* de Spiritu s. dicit orationem: *Adsumus*¹⁾.
 4. Praelecto mox decreto de *Officialibus Synodi* Promotor, Secretarius, Notarius et Procurator Cleri loca designata occupabunt, demandato sibi munere functuri.
 5. Accedit *Promotor* ad sedem Episcopi instans, ut actiones primae Sessionis publice indicentur et praeparentur.
 6. Accepto Praesulis mandato praelegit *Secretarius* Summarium istarum actionum.
 7. Sequitur *Promotoris* instantia de constituendis et respective approbandis in Synodo *Examinatoribus Cleri*.
 8. Praelectis per *Secretarium* nominibus eorum, quos Ordinarius constituit *Examinatores Ordinandorum*, proponuntur per Celsissimum *Examinatores promovendorum ad beneficia curata* in Synodo approbandi; facto dein per Promotorem, Secretarium et Notarium *scrutinio*, publicantur nomina eorum, quos Synodus approbavit.

¹⁾ Pag. 12—14.

9. Sequitur *Promotoris* instantia de constituendis *Sectionibus* pro deliberanda Synodi materia.
10. Exposita per Antistitem methodo, qua consultationes in Congregationibus *particularibus* expediendae erunt, praelegentur nomina eorum, quos singularum Sectionum *Praesides*, *Consultores*, Referentes et Notarios elegerit; quibus mox materia deliberanda exhibetur.
11. Facta dein indictione *primae Sessionis publicae sit gratiarum actio*¹⁾, et Congregatio dimittitur.
12. Eodem vespere ab hora sexta usque ad septimam campanae Ecclesiae Cathedralis, s. Mariae, s. Magda enae et s. Aloysii sollemniter pulsantur.

De prima Sessione publica.

1. Hora *septima matutina* omnes Synodi *Officiales et Sodales* convenient in ecclesia s. Aloysii, et cum rite parati fuerint²⁾, ordinatur processio ad valvas ecclesiae, adventum Celsissimi expectatura.
2. Ordo *Processionis* sequens erit:
 - a) Praefertur crux Ecclesiae Cathedralis;
 - b) Clerus ad Synodum vocatus, et quidem *praeerantibus* illis, qui non sunt beneficiati cum cura animarum, *parochi rurales*, sequentibus mox decanis;
 - c) Seminarii dioecesani Superiores et Theologiae Professores;
 - d) P. Abbas Trappistarum vel eius Vicarius;
 - e) Praepositus Petoviensis et Abbas saecularis Celeiensis;

¹⁾ Pag. 14—15.

²⁾ Clerus ad Synodum vocatus *superpelliceis et birretis* indutus sit in sessionibus publicis.

- f) Clerus ecclesiae cathedralis;
 g) Magistri Caeremoniarum, Acolythi et ministri pro faciendis Sacris;
 h) Capitulum cathedrale in corpore procedens.
5. Ecclesiam ingressus occupabit Clerus synodalis *sedilia*, quae in *ecclesiae navi* a dextris et sinistris posita sunt; prout eis per *Magistrum Caeremoniarum* assignabuntur.
 6. Mox cum Celsissimus Antistes sedem suam occupaverit, persolvitur *Tertia*. Qua finita et paratis omnibus, quae ad Sacrum requiruntur, procedit Episcopus ad *Altare*, et intonat hymnum: „*Veni Creator Spiritus*“. Absolutis dein versiculo, responsorio et competenti oratione celebrabit *Missam de Spiritu sancto* ¹⁾.
 7. Finita Missa Episcopus depositis Paramentis accipit *Pluviale* rubrum cum *Mitra*, accedit ad altare et genuflexus incipit Antiphonam: *Exaudi*, et persolventur preces, prout Pontificale Romanum pro prima Sessione praecipit. ²⁾
 8. Recedentibus dein Acolythis inchoatur *sessio sermone synodali*. Quo finito *Promotor* more in Synodis usitato instat pro publicatione Decretorum, ad formam Synodi pertinentium, videlicet de aperienda Synodo; de emittenda professione fidei; de Ministris synodalibus; de praeiudicio non afferendo; de modo vivendi in Synodo, et de non discedendo. — Singula Decreta annuente Antistite per *Secretarium Synodi* vel per eius *Lectorem* praeleguntur.
 9. Promulgato decreto de „*emittenda fidei professione*“ Episcopus deposita *Mitra*, conversus ad *Altare* genuflectit, et manu libro Evangeliorum admota, voce elevata professionem fidei

¹⁾ Glor. una Orat. Credo, Praef. de Spirit. et ult. Evang. s. Joannis.

²⁾ Pag. 15—24.

emittit, ceteris eum *communi recitatione* sequentibus¹⁾. — Dein sedens accipit *Mitram et librum Evangeliorum*; moxque omnes in Synodo congregati *trini ac trini* accedunt, et manu libro Evangeliorum admota formulam juramenti finalem dicunt: *Ego idem spondeo, voveo ac juro. Sic me Deus adjuvet et haec sancta Dei Evangelia.*

10. Ad instantiam *Promotoris* promulgatur per *Secretarium* Decretum de approbatis in Synodo *Examinatoribus promovendorum ad beneficia curata*, qui, si praesentes fuerint, statim accedunt ad Antistitem, sollemni juramento devinciendi.
11. Promulgatis dein, quae Antistes in hac Sessione prima promulganda decrevit, sequitur instantia *Promotoris*, ut proxima Sessio indicetur et de Sessionis habitae actione Instrumentum conficiatur (instantia pro rogitu Notarii.)
12. Quibus actis Episcopus sollemnem benedictionem impertitur. Dein depositis vestibis ordinatoque recessu Clerum in valvis ecclesiae dimittit.

De Congregationibus particularibus.

Actiones *Congregationum particularium* expedientur per *quatuor Sectiones*, quarum singulis Episcopus peculiarem materiae synodalis partem committet deliberandam.

Sessiones harum Sectionum habebuntur tempore opportuno. Pro qualibet Sectione parabitur in aedibus Seminarii clericorum episcopalis peculiare conclave, in quo ejusdem Sectionis Consultores hora accuratius adhuc determinanda ad faciendam actionem synodalem convenient.

¹⁾ Pag. 38—40.

Actioni praemittuntur preces¹⁾, per Sodales et Praesidem dicendae, cujus erit, consultationes optimo, quo fieri poterit, modo dirigere, et curare, ut de actione Sessionis per *Notarium*, quem ipse designaverit, conficiatur Instrumentum seu Protocollum finita actione praelegendum et Episcopo, cum *eodem die ad faciendam Congregationem generalem* venerit, exhibendum. — Ad Praesides harum Sectionum pertinet quoque, ut *Procuratori Cleri* in scriptis exhibeant vota seu desideria singulorum Consultorum, quatenus isti petierint, ut de his suis desideriis in Congregationibus generalibus annuente videlicet Ordinario publice agatur. — In fine Sessionum persolvetur *gratiarum actio*²⁾.

De secunda Congregatione generali et altera Sessione publica.

I. Secunda Synodi Congregatio generalis eodem die a meridie habebitur hora quarta.

Adveniente Antistite persolventur *Vesperae cum Completorio*; quibus finitis more solito incipit actio synodalis.

Habebitur *prima meditatio*. Deinde Episcopus, prout opportunum duxerit, dilucidabit singulas propositae materiae synodalis partes, quibus actis ad instantiam *Promotoris* consilia et desideria Cleri per illius *Procuratorem* exponentur.

Deinde Ordinarius instruit Clerum de *Judiciis in partibus*, sique ei placuerit, Clero renuntiat, quos huic obeundo muneri devinciendos statuerit. Pari modo, si ei in Domino consultum videbitur, eligit nominabitque viros, quos *Judicii sui ecclesiastici* in causis criminalibus et civilibus nec non matrimonialibus constituerit Consiliarios.

¹⁾ Pag. 12—14.

²⁾ Pag. 14—15.

His actis ad Promotoris instantiam praelegetur per *Secretarium Summarium* proximae *Sessionis publicae*, qua indicta preces pro *gratiarum actione*¹⁾ fiunt.

II. Die sequenti celebrabitur altera *Sessio publica*.

Hora *septima* convenient omnes Synodi Sodales et Officiales in ecclesia ad s. Aloysium ibidemque paratis parandis expectant Antistitem. Qui quum post horam septimam Cappa indutus venerit: Clero in locis designatis disposito persolvitur *Tertia*.

Sequitur *Missa pro defunctis* per unum e Canonicis ecclesiae cathedralis celebranda.²⁾ *Missa* finita induitur Episcopus paramentis nigris pro facienda *Absolutione*.

Quibus peractis inchoatur *Sessio altera publica* precibus, quae *pro secunda* die in Pontificali Romano describuntur.³⁾ Sequitur *sermo synodalis* et lectio eorum, quae Ordinarius promulganda decrevit.

Si Antistiti placuerit, advocantur constituti *Judices in partibus* et *Judicii dioecesani Consilarii* ad praestandum juramentum per tactum *Evangeliorum vel Reliquiarum Sanctorum* more antiquo.

Indicta *Sessione proxima* Episcopus sollemnem *benedictionem* impertitur. Depositis vestibibus factoque recessu Clerum in valvis ecclesiae dimittit.

De tertia, quarta et quinta Congregatione generali.

I. Hora quarta erit *tertia Congregatio generalis* modo supra praescripto. Habebitur *secunda meditatio*.

¹⁾ Pag. 14—15.

²⁾ Cum unica Collecta „Deus, qui inter apostolicos.“ Epist. et Evang., quae in Missali habentur in prima Missa pro defunctis.

³⁾ Pag. 24—27.

II. Die sequenti habebitur *quarta Congregatio* generalis, ad quam Clerus synodalis eadem hora et eodem modo, sicuti priori pagina describitur in altera Sessione publica, conveniet.

Absoluta, cum ad ecclesiam venerit Celsissimus Antistes, *Tertia*, celebratur per Canonicum aut Dignitarium Capituli *Missa de die*, cui Episcopus assistet indutus *Pluviali albi coloris*.

Peracta Missa inchoatur congregatio precibus ad hoc praescriptis. Dein habebitur *meditatio tertia*. Qua absoluta publicantur constitutiones, quas Illustrissimus Antistes decreverit. Quibus actis preces fiunt pro gratiarum actione. Deinde tempus liberum pro *facienda confessione sacramentali*.

III. Hora quarta habebitur *quinta et ultima Congregatio* generalis modo supra descripto.

De tertia et ultima Sessione publica.

Die sequenti celebrabitur *Sessio publica finalis*, ad quam Clerus synodalis sexta hora et modo, sicuti priori pagina describitur, conveniet.

Absoluta, cum ad ecclesiam venerit Antistes, *Tertia*, cantatur per Antistitem *Missa de ss. Trinitate*¹⁾, sub qua sacerdotes assumptis stolis rubeis accedunt ad sacram communionem.

Peracta Missa inchoatur Sessio postrema precibus pro *die tertia* in Pontificali praescriptis²⁾.

Praemisso *sermone synodali* publicantur, quae Antistes decreverit, et absoluta actione excipit Clerus monita Episcopi de observantia Statutorum synodaliū. Pontifex sedens alloquitur Synodum, si velit, verbis: *Venerabiles et dilectissimi fratres, convenit.*³⁾

¹⁾ Addita oratione pro gratiarum actione sub duplici *conclusionē*.

²⁾ Pag. 27—29.

³⁾ Pag. 29—30.

Dein praelegitur *Elenchus sive Catalogus* omnium et singulorum, qui huic Synodo dioecessanae praesentes adesse debent. Absentes notentur.

Demum Pontifex, si placet, congregatos admonet sub verbis: *Fratres dilectissimi et Sacerdotes Domini, Cooperatores ordinis nostri estis*¹⁾.

Postquam ad instantiam Promotoris lectum fuerit decretum tum de Synodo finienda, tum de illa, quae proxime habenda erit, Episcopus subscribit statutis; postea stans versus altare more solito intonat hymnum: *Te Deum laudamus*, quem Clerus alta voce prosequitur. Hymno finito Episcopus dicit orationem finalem: *Nulla est Domine*.²⁾

Dein fit Dedicatio et Consecratio dioeceseos Sacratissimo Cordi Jesu.³⁾ Quam sequitur publicatio plenarum *Indulgentiarum* et sollemnis Clero imper-tiunda *benedictio*; qua data persolventur *Suffragia*⁴⁾.

Tandem primus *Diaconus* Pontifici assistens alta voce dicit: „*Recedamus in pace*“, cunctisque acclamantibus: „*In nomine Christi*“. Episcopus sacras vestes deponit ordinatoque recessu Clerum in valvis ecclesiae in nomine Domini dimittit.

Preces in Synodo persolvendae.⁵⁾

A) In Congregationibus generalibus et particularibus:

1. Ante actionem synodalem:

Veni Creator Spiritus — Mentis tuorum visita — Imple superna gratia — Quae tu creasti pectora.

Qui diceris Paraclitus — Altissimi donum Dei — Fons vivus, ignis, charitas — Et spiritalis unctio.

¹⁾ Pag. 30—33.

²⁾ Pag. 33—34.

³⁾ Pag. 34—35. ⁴⁾ 35—38.

⁵⁾ Cfr. Pontif. Rom. Ordo ad Synod.

Tu septiformis munere — Digitus paternae
dexteræ — Tu rite promissum Patris — Sermone
ditans guttura.

Accende lumen sensibus — Infunde amorem
cordibus — Infirma nostri corporis — Virtute fir-
mans perpeti.

Hostem repellas longius — Pacemque dones
protinus — Ductore sic te praevio — Vitemus
omne noxium.

Per te sciamus da Patrem — Noscamus atque
Filium — Teque utriusque Spiritum — Credamus
omni tempore.

Deo Patri sit gloria — Eiusque soli Filio —
Cum Spiritu Paraclito — Nunc et per omne saecu-
lum. Amen.

Ÿ. Emitte Spiritum tuum, et creabuntur.

R. Et renovabis faciem terrae.

Oremus. Deus, qui corda Fidelium Sancti Spi-
ritus illustratione docuisti, da nobis in eodem Spi-
ritu recta sapere, et de ejus semper consolatione
gaudere. Per Dominum nostrum Jesum Christum
Filium tuum, qui tecum vivit et regnat in unitate
ejusdem Spiritus sancti Deus per omnia saecula
saeculorum. Amen.

Adsumus, Domine sancte Spiritus, adsumus
peccati quidem immanitate detenti, sed in nomine
tuo specialiter aggregati; veni ad nos, adesto nobis,
dignare illabi cordibus nostris; doce nos, quid aga-
mus; quo gradiamur, ostende; quid efficiamus,
operare. Esto solus et suggestor et effector judi-
ciorum nostrorum, qui solus cum Deo Patre et ejus
Filio nomen possides gloriosum; non nos patiaris
perturbatores esse justitiae, qui summe diligis aequi-
tatem; ut sinistrum nos non ignorantiae trahat;
non favor inflectat; non acceptio muneris vel per-
sonae corrumpat; sed junge nos tibi efficaciter so-
lius tuae gratiae dono, ut simus in te unum et in
nullo deviemus a vero; quatenus in nomine tuo

collecti, sic in cunctis teneamus cum moderamine pietatis justitiam, ut hic a te in nullo dissentiat sententia nostra, et in futuro pro bene gestis consequamur praemia sempiterna.

Ÿ. Amen.

2. Post actionem synodalem:

Antiphona: Confirma hoc Deus, quod operatus es in nobis, a templo sancto tuo, quod est in Jerusalem.

Ÿ. Benedicamus Patrem et Filium cum sancto Spiritu.

R. Laudemus et superexaltemus eum in saecula.

Oremus. Deus, apud quem pro perceptis donis gratitudo segura est alterius beneficii impetratio, da nobis dignas Tibi pro collatis beneficiis gratias rependere, ut misericordiam Tuam ad impertienda nobis nova bona provocemus. Per Christum Dominum nostrum. R. Amen.

Sequitur oratio ab omnibus recitanda:

Sub tuum praesidium confugimus — sancta Dei genitrix — nostras deprecationes ne despicias in necessitatibus nostris; sed a periculis cunctis — libera nos semper — Virgo gloriosa et benedicta — Domina nostra — Mediatrix nostra — Advocata nostra — tuo Filio nos reconcilia — tuo Filio nos commenda — tuo Filio nos repraesenta.

Ÿ. Vultum tuum deprecabuntur.

R. Omnes divites plebis.

Oremus. Defende, quaesumus, Domine beata Maria semper Virgine intercedente nostram ab omni adversitate familiam, et toto corde Tibi prostratam ab hostium propitius tuere clementer insidiis. Per Christum Dominum nostrum.

R. Amen.

Divinum auxilium sit semper nobiscum.
R. Amen.

B) In Sessionibus publicis :

1. In Sessione primae diei:

Pontifex ante faldistorium sibi paratum genuflexus, deposita mitra, incipit schola prosequente Antiphonam :

Exaudi nos Domine, quoniam benigna est misericordia tua, et secundum multitudinem miserationum tuarum respice nos Domine.

Incepto Psalmo, sedet Pontifex, accepta mitra, et sic manet, quousque finiatur Psalmus et Antiphona repetatur.

Psalmus 68. Salvum me fac Deus: * quoniam intraverunt aquae usque ad animam meam.

Infixus sum in limo profundi: * et non est substantia.

Veni in altitudinem maris * et tempestas demersit me.

Laboravi clamans. raucae factae sunt fauces meae! * defecerunt oculi mei, dum spero in Deum meum.

Multiplicati sunt super capillos capitis mei, * qui oderunt me gratis.

Confortati sunt, qui persecuti sunt me inimici mei injuste: * quae non rapui, tunc exsolvebam.

Deus tu scis insipientiam meam: * et delicta mea a te non sunt abscondita.

Non erubescant in me, qui expectant te Domine, * Domine virtutum.

Non confundantur super me: * qui quaerunt te, Deus Israel.

Quoniam propter te sustinui opprobrium: * operuit confusio faciem meam.

Extraneus factus sum fratribus meis, * et peregrinus filiis matris meae.

Quoniam zelus domus tuae comedit me: * et opprobria exprobrantium tibi ceciderunt super me.

Et operui in jejuniio animam meam: * et factum est in opprobrium mihi.

Et posui vestimentum meum cilicium: * et factus sum illis in parabolam.

Adversum me loquebantur, qui sedebant in porta: * et in me psallebant, qui bibebant vinum.

Ego vero orationem meam ad te Domine: * tempus beneplaciti Deus.

In multitudine misericordiae tuae exaudi me, * in veritate salutis tuae.

Eripe me de luto, ut non infigar, * libera me ab iis, qui oderunt me, et de profundis aquarum.

Non me demergat tempestas aquae, neque absorbeat me profundum: * neque urgeat super me puteus os suum.

Exaudi me Domine, quoniam benigna est misericordia tua: * et secundum multitudinem miserationum tuarum respice in me.

Et ne avertas faciem tuam a puero tuo: * quoniam tribulor, velociter exaudi me.

Intende animae meae, et libera eam: * propter inimicos meos eripe me.

Tu scis improperium meum et confusionem meam, * et reverentiam meam.

In conspectu tuo sunt omnes, qui tribulant me: * improperium expectavit cor meum et miseriam.

Et sustinui, qui simul constriretur, et non fuit: * et qui consolaretur, et non inveni.

Et dederunt in escam meam fel: * et in siti mea potaverunt me aceto.

Fiat mensa eorum coram ipsis in laqueum, * et in retributiones et in scandalum.

Obscurentur oculi eorum, ne videant: * et dorsum eorum semper incurva.

Effunde super eos iram tuam: * et furor irae tuae comprehendat eos.

Fiat habitatio eorum deserta: * et in tabernaculis eorum non sit, qui inhabitet.

Quoniam quem tu percussisti, persecuti sunt: * et super dolorem vulnerum meorum addiderunt.

Appone iniquitatem super iniquitatem eorum: * et non intret in justitiam tuam.

Deleantur de libro viventium: * et cum justis non scribantur.

Ego sum pauper et dolens: * salus tua Deus suscepit me.

Laudabo nomen Dei cum cantico: * et magnificabo eum in laude.

Et placebit Deo super vitulum novellum, * cornua producentem et ungulas.

Videant pauperes et laetentur: * quaerite Deum, et vivet anima vestra.

Quoniam exaudivit pauperes Dominus: * et vinctos suos non despexit.

Laudent illum coeli et terra, * mare et omnia reptilia in eis.

Quoniam Deus salvam facis Sion: * et aedificabuntur civitates Juda.

Et inhabitabunt ibi, * et haereditate acquirent eam.

Et semen servorum ejus possidebit eam: * et qui diligunt nomen ejus, habitabunt in ea.

Gloria Patri etc. Sicut erat etc.

Finito Psalmo et repetita Antiphona, Pontifex surgit, et deposita mitra, versus ad altare dicit:

Adsumus, Domine sancte Spiritus, adsumus peccati quidem immanitate detenti, sed in nomine tuo specialiter aggregati: veni ad nos, adesto nobis, dignare illabi cordibus nostris: doce nos, quid agamus; quo gradiamur, ostende; quid efficiamus, operare.

Esto solus et suggestor et effector judiciorum nostrorum, qui solus cum Deo Patre et ejus Filio nomen possides gloriosum: non nos patiaris perturbatores esse justitiae, qui summe diligis aequitatem; ut sinistrum nos non ignorantiae trahat; non favor inflectat; non acceptio muneris vel personae corrumpat: sed junge nos tibi efficaciter solius tuae gratiae dono, ut simus in te unum, et in nullo deviemus a vero; quatenus in nomine tuo collecti, sic et cunctis teneamus cum moderamine pietatis justitiam, ut hic a te in nullo dissentiat sententia nostra, et in futuro pro bene gestis consequamur praemia sempiterna.

Respondetur ab omnibus: Amen.

Oremus. Omnipotens sempiternae Deus, qui misericordia tua nos incolumes in hoc loco specialiter aggregasti; mentes nostras, quaesumus, Paraclitus, qui a te procedit, illuminet et inducat in omnem, sicut tuus promisit Filius, veritatem; cunctosque in tua fide et charitate corroboret; ut excitati a temporali synodo, proficiamus ad aeternae felicitatis augmentum. Per eundem Dominum nostrum Jesum Christum Filium tuum: qui tecum vivit et regnat in unitate ejusdem Spiritus sancti Deus, per omnia saecula saeculorum. R. Amen.

Finita oratione Pontifex, accepta mitra, procumbit supra faldistorium praedictum, aliis omnibus genuflectentibus, et dicuntur Litaniae:

Kyrie eleison. Christe eleison.

Kyrie eleison. Christe audi nos.

Christe exaudi nos.

Pater de coelis Deus, Miserere nobis.

Fili Redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas unus Deus, Miserere nobis.

Sancta Maria,

Sancta Dei genitrix,

Sancta Virgo virginum,

Sancte Michael,

} Ora pro nobis.

Sancte Gabriel,)
Sancte Raphael,) Ora pro nobis.

Omnes ss. Angeli et Archangeli, Orate pro nobis.

Omnes Sancti beatorum spirituum ordines, Orate
pro nobis.

Sancte Joannes Baptista, Ora pro nobis.

Sancte Joseph, Ora pro nobis.

Omnes sancti Patriarchae et Prophetae, Orate pro
nobis.

Sancte Petre,
Sancte Paule,
Sancte Andrea,
Sancte Jacobe,
Sancte Joannes,
Sancte Thoma,
Sancte Jacobe,
Sancte Philippe,
Sancte Bartholomaeae,
Sancte Matthaeae,
Sancte Simon,
Sancte Thaddaeae,
Sancte Mathia,
Sancte Barnaba,
Sancte Luca,
Sancte Marce,)

Ora pro nobis.

Omnes sancti Apostoli et Evangelistae, Orate pro
nobis.

Omnes sancti Discipuli Domini,)
Omnes sancti Innocentes,) Ora pro nobis.

Sancte Stephane,)
Sancte Laurenti,) Ora pro nobis.
Sancte Vincenti,)

Sancti Fabiane et Sebastiane,)
Sancti Joannes et Paule,)
Sancti Cosma et Damiane,) Ora pro nobis.
Sancti Gervasi et Protasi,)
Omnes sancti Martyres,)
Sancte Silvester, Ora pro nobis.

Sancte Gregori,	}	Ora pro nobis.
Sancte Ambrosi,		
Sancte Augustine,		
Sancte Hieronyme,		
Sancte Martine,		
Sancte Nicolae,		

Omnes sancti Pontifices et Confessores, Orate pro nobis.

Omnes sancti Doctores, Orate pro nobis.

Sancte Benedicte,	}	Ora pro nobis.
Sancte Antoni,		
Sancte Bernarde,		
Sancte Dominice,		
Sancte Francisce,		

Omnes sancti Sacerdotes et Levitae, Orate pro nobis.

Omnes sancti Monachi et Eremitae, Orate pro nobis.

Sancta Maria Magdalena,	}	Ora pro nobis.
Sancta Agatha,		
Sancta Lucia,		
Sancta Agnes,		
Sancta Caecilia,		
Sancta Catharina,		
Sancta Anastasia,		

Omnes sanctae Virgines et Viduae, Orate pro nobis.

Omnes Sancti et Sanctae Dei, Intercedite pro nobis.

Propitius esto, Parce nobis Domine.

Propitius esto. Exaudi nos Domine.

Ab omni malo,	}	Libera nos Domine.
Ab omni peccato,		
Ab ira tua,		
A flagello terraemotus,		
A subitanea et improvisa morte,		
Ab insidiis diaboli,		

Ab ira et odio et omni mala voluntate, Libera nos Domine.

A spiritu fornicationis, Libera nos Domine.

A fulgure et tempestate, Libera nos Domine.

Per mysterium sanctae Incarnationis tuae, Libera nos Domine.

Per Adventum tuum, Libera nos Domine.

Per Nativitatem tuam, Libera nos Domine.

Per Baptismum et sanctum Jejunium tuum, Libera nos Domine.

Per Crucem et Passionem tuam, Libera nos Domine.

Per Mortem et Sepulturam tuam, Libera nos Domine.

Per sanctam Resurrectionem tuam, Libera nos Domine.

Per admirabilem Ascensionem tuam, Libera nos Domine.

Per Adventum Spiritus sancti Paracliti, Libera nos Domine.

In die Judicii, Libera nos Domine.

Peccatores, Te rogamus audi nos.

Ut nobis parcas, Te rogamus audi nos.

Ut nobis indulgeas, Te rogamus audi nos.

Ut ad veram poenitentiam nos perducere digneris, Te rogamus audi nos.

Ut Ecclesiam tuam sanctam regere et conservare digneris, Te rogamus audi nos.

Ut dominum Apostolicum et omnes Ecclesiasticos ordines in sancta religione conservare digneris, Te rogamus audi nos.

Ut inimicos sanctae Ecclesiae humiliare digneris, Te rogamus audi nos.

Ut Regibus et Principibus Christianis pacem et veram concordiam donare digneris, Te rogamus audi nos.

Ut cuncto populo Christiano pacem et unitatem largiri digneris, Te rogamus audi nos.

Ut nosmetipsos in tuo sancto servitio confortare et conservare digneris, Te rogamus audi nos.

Ut mentes nostras ad coelestia desideria erigas, Te rogamus audi nos.

Ut omnibus benefactoribus nostris sempiterna bona retribuas, Te rogamus audi nos.

Ut animas nostras, fratrum, propinquorum et benefactorum nostrorum ab aeterna damnatione eripias,
Te rogamus audi nos.

Ut fructus terrae dare et conservare digneris, Te rogamus audi nos.

Ut omnibus fidelibus defunctis requiem aeternam donare digneris, Te rogamus audi nos.

Pontifex surgit, et baculum pastorem in sinistra tenens, stans versus ad Synodum, dicit:

Ut hanc praesentem Synodum visitare, dispo-
nere et bene † dicere digneris.

R. Te rogamus audi nos.

Producens signum crucis pariter super omnes, quo facto, iterum occumbit, Litaniis perficiendis.

Ut nos exaudire digneris, Te rogamus audi nos.

Fili Dei, Te rogamus audi nos.

Agnus Dei, qui tollis peccata mundi, Parce nobis Domine.

Agnus Dei, qui tollis peccata mundi, Exaudi nos Domine.

Agnus Dei, qui tollis peccata mundi, Miserere nobis. Christe audi nos. Christe exaudi nos.

Kyrie eleison. Christe eleison. Kyrie eleison.

Quibus dictis, surgunt omnes, et Pontifex deposita mitra dicit stans versus ad altare: Oremus.

Et ministri: Flectamus genua. R. Levate.

Da, quaesumus, Ecclesiae tuae, misericors Deus, ut Spiritu sancto congregata, secunda tibi devotione servire mereatur. Per Dominum nostrum Jesum Christum Filium tuum: Qui tecum vivit et regnat in unitate ejusdem Spiritus sancti Deus, per omnia saecula saeculorum. R. Amen.

Deinde Pontifex, accepta mitra, ascendit ad sedem sibi paratam in plano altaris, ita ut in ea sedens dorsum suum vertat ad altare. Et imponit incensum in thuribulum, et benedicit more solito. Diaconus dalmatica indutus, praecedentibus thuriferario et duobus Ceroferariis et Subdiacono tui-

cella induto, paramentis rubeis, benedictione accepta a Pontifice, cantat in loco conveniente:

Sequentia sancti Evangelii secundum Lucam.

In illo tempore: Convocatis Jesus duodecim Apostolis dedit illis virtutem et potestatem super omnia daemonia, et ut languores curarent. Et misit illos, praedicare regnum Dei et sanare infirmos. Et ait ad illos: Nihil tuleritis in via, neque virgam, neque peram, neque panem, neque pecuniam, neque duas tunicas habeatis. Et in quamcunque domum intraveritis, ibi manete, et inde ne exeatis. Et quicumque non receperint vos, exeuntes de civitate illa, etiam pulverem pedum vestrorum excutite in testimonium super illos. Egressi autem circuibant per castella evangelizantes et curantes ubique.

Quo finito, liber Evangeliorum apertus per Subdiaconum portatur Pontifici per eum osculandus, qui et deinde incensatur. Quo facto, Pontifex ipse ante sedem suam praedictam, deposita mitra, versus ad altare, atque alii omnes in locis suis genuflectunt. Tum Pontifex sic genuflexus incipit cantando, schola prosequente hymnum:

Veni creator Spiritus, mentes tuorum visita: *
imple superna gratia, quae tu creasti pectora.

Finito primo versu, Pontifex surgit, stans versus ad altare, sine mitra, usque ad finem hymni: similiter omnes alii cum Pontifice surgunt.

Qui diceris Paraclitus, altissimi donum Dei: *
fons vivus, ignis, charitas et spiritalis unctio.

Tu septiformis munere, digitus Paternae dexteræ: * Tu rite promissum Patris, sermone ditans guttura.

Accende lumen sensibus, infunde amorem cordibus, * infirma nostri corporis virtute firmans perpeti.

Hostem repellas longius, pacemque dones protinus; * ductore sic te praevio, vitemus omne noxium.

Per te sciamus da Patrem, noscamus atque Filium: * teque utriusque Spiritum credamus omni tempore.

Deo Patri sit gloria, eiusque soli Filio, * cum Spiritu Paraclito, nunc et per omne saeculum. Amen.

2. In Sessione secundae diei:

Pontifex, paratus ut supra, procedit coram altari Diacono et Subdiacono, paratis ut supra, ipsum associantibus, et ibi in faldistorio ante medium altaris juxta inferiorem gradum sibi parato genuflexus, deposita mitra, inchoat, schola prosequente, Antiphonam.

Propitius esto peccatis nostris Domine, ne quando dicant gentes: Ubi est Deus eorum?

Finita Antiphona et incepto Psalmo, sedet Pontifex, reassumta mitra, usque ad finem Psalmi.

Psalmus 78. Deus, venerunt gentes in haereditatem tuam, polluerunt templum sanctum tuum: * posuerunt Jerusalem in pomorum custodiam.

Posuerunt morticina servorum tuorum escas volatilibus coeli: * carnes sanctorum tuorum bestiis terrae.

Effuderunt sanguinem eorum tamquam aquam in circuitu Jerusalem: * et non erat, qui sepeliret.

Facti sumus opprobrium vicinis nostris: * subsannatio et illusio his, qui in circuitu nostro sunt.

Usquequo Domine irasceris in finem: * accendetur velut ignis zelus tuus?

Effunde iram tuam in gentes, quae te non noverunt: * et in regna, quae nomen tuum non invocaverunt.

Quia comederunt Jacob: * et locum ejus desolaverunt.

Ne memineris iniquitatum nostrarum antiquarum, cito anticipent nos misericordiae tuae: * quia pauperes facti sumus nimis.

Adjuva nos Deus salutaris noster, et propter gloriam nominis tui Domine libera nos: * et propitius esto peccatis nostris propter nomen tuum.

Ne forte dicant in gentibus: Ubi est Deus eorum? * et innotescat in nationibus coram oculis nostris.

Ultio sanguinis servorum tuorum, qui effusus est: * introeat in conspectu tuo gemitus compeditorum.

Secundum magnitudinem brachii tui, * posside filios mortificatorum.

Et redde vicinis nostris septuplum in sinu eorum: * improprium ipsorum, quod exprobraverunt tibi Domine.

Nos autem populus tuus et oves pascuae tuae: * confitebimur tibi in saeculum.

In generationem et generationem: * annuntiabimus laudem tuam.

Gloria Patri et Filio etc. Sicut erat in principio etc.

Deinde finito Psalmo et repetita Antiphona, Pontifex deposita mitra surgit, et stans versus ad altare dicit:

Oremus. Nostorum tibi, Domine, curvantes genua cordium, quaesumus, ut bonum, quod in nobis a te requiritur, exequamur: scilicet, ut prompta tecum sollicitudine gradientes, discretionis arduae subtile iudicium faciamus; ac misericordiam diligentes, clareamus studiis tibi placitae actionis. Per Christum Dominum nostrum. R. Amen.

Oremus. Mentibus nostris, quaesumus Domine, Spiritum sanctum benignus infunde, quatenus in nomine tuo collecti, sic in cunctis teneamus cum moderamine pietatis iustitiam, ut hic a te in nullo dissentiat voluntas nostra, sed semper rationabilia meditantes, quae tibi sunt placita, et dictis exequamur et factis. Per Dominum nostrum Jesum Christum Filium tuum: qui tecum vivit et regnat in unitate

ejusdem Spiritus sancti Deus, per omnia saecula saeculorum. R. Amen.

Oremus.

Et ministri dicunt: Flectamus genua.

R. Levate.

Deus, qui nos justitiam loqui, et quae recta sunt, praecipis judicare: tribue nobis, ut neque iniquitas in ore nec pravitas inveniatur in mente: ut puro cordi purior sermo consentiat, ostendatur in opere justitia, neque appareat dolus in lingua, sed ex corde veritas proferatur. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia saecula saeculorum. R. Amen.

Post haec Pontifex, accepta mitra, ascendit ad planum altaris, et sedet in sede seu faldistorio ibidem sibi parato.

Tum accedit Diaconus cum thuriferario, et Pontifex imponit incensum; deinde Diacono benedicit, qui procedens ad locum consuetum signat, incensat et cantat Evangelium, ut heri, Pontifice ante sedem praedictam sine mitra verso ad Diaconum stante.

Sequentia sancti Evangelii secundum Lucam.

In illo tempore: Designavit Dominus et alios septuaginta duos: et misit illos binos ante faciem suam in omnem civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ite: ecce, ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicite: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete edentes et bibentes, quae apud illos sunt: dignus est enim operarius mercede sua. Nolite

transire de domo in domum. Et in quaecumque civitatem intraveritis, et susceperint vos, manducate, quae apponuntur vobis: et curate infirmos, qui in illa sunt, et dicite illis: Appropinquavit in vos regnum Dei.

Quo finito, et per Pontificem libro osculato, et ipso incensato, Pontifex sine mitra ante sedem praedictam versus ad altare, ac aliis omnibus in suis locis genuflexis, incipit, schola prosequente, hymnum: Veni Creator Spiritus. Et dicitur totus, ut supra pag. 23, quem schola prosequitur, ut in primo die. Finito primo versu, Pontifex surgit stans versus ad altare, detecto capite usque ad finem hymni. Simili modo faciunt omnes alii.

3. In Sessione tertiae diei:

a) Ante Sessionem:

Pontifex paratur, ut heri, assistantibus sibi Diacono et Subdiacono paratis, genuflexus in faldistorio juxta inferiorem gradum ante medium altaris sibi parato, deposita mitra, incipit, schola prosequente, Antiphonam.

Exaudi nos Domine, quoniam benigna est misericordia tua: et secundum multitudinem miserationum tuarum respice nos Domine.

Psalmus: *Salvum me fac Deus: * quoniam intraverunt aquae usque ad animam meam. Et dicitur totus, prout habetur supra in primo die pag. 15. Deinde repetitur Antiphona. Incepto Psalmo, Pontifex sedet, et accipit mitram sic manens, quousque Psalmus finiatur et Antiphona repetatur; qua repetita, deposita mitra, surgit, et stans versus ad altare, dicit:*

Oremus. Ad te, Domine, interni clamoris vocibus proclamantes, unanimiter postulamus, ut respectu tuae gratiae solidati, praecones veritatis efficiamur intrepidi, tuumque valeamus verbum cum omni fiducia loqui. Per Dominum nostrum Jesum Christum Filium

tuum: qui tecum vivit et regnat in unitate Spiritus sancti Deus, per omnia saecula saeculorum.

R. Amen.

Oremus. Omnipotens sempiterne Deus, qui sacro verbi tui oraculo promisisti: Ubi duo vel tres in nomine tuo congregati essent, te medium fore; adesto coetui nostro propitius, et cor nostrum illumina misericors, ut a bono misericordiae tuae nullatenus aberremus, sed rectum justitiae tuae tramitem in omnibus teneamus. Per Dominum nostrum Jesum Christum Filium tuum: qui tecum vivit et regnat in unitate Spiritus sancti Deus, per omnia saecula saeculorum. R. Amen.

Oremus.

Et ministri dicunt: Flectamus genua.

R. Levate.

Deus, qui populis tuis et indulgentia consulis et amore dominaris; da spiritum sapientiae tuae, quibus dedisti regimen disciplinae; ut de profectu sanctarum ovium fiant gaudia aeterna pastorum. Per Dominum nostrum Jesum Christum Filium tuum: qui tecum vivit et regnat in unitate ejusdem Spiritus sancti Deus, per omnia saecula saeculorum. R. Amen.

Post haec Pontifex, accepta mitra, ascendit ad planum altaris, sedens in sede, seu faldistorio ibidem sibi parato. Tum accedit Diaconus cum thuriferario, et Pontifex imponit incensum; deinde benedicit Diacono, qui procedens ad locum consuetum signat, incensat et cantat Evangelium, ut heri, Pontifice ante sedem praedictam sine mitra verso ad Diaconum stante.

Sequentia sancti Evangelii secundum Matthaeum.

In illo tempore dixit Jesus discipulis suis: Si peccaverit in te frater tuus, vade et corripe eum inter te et ipsum solum; si te audieris, lucratus eris fratrem tuum. Si autem te non audierit, adhibe

tecum adhuc unum vel duos, ut in ore duorum vel trium testium stet omne verbum. Quod si non audierit eos: dic Ecclesiae. Si autem Ecclesiam non audierit, sit tibi sicut ethnicus et publicanus. Amen dico vobis, quaecumque alligaveritis super terram, erunt ligata et in coelo: et quaecumque solveritis super terram, erunt soluta et in coelo. Iterum dico vobis: quia si duo ex vobis consenserint super terram, de omni re, quaecumque petierint, fiet illis a Patre meo, qui in coelis est. Ubi enim sunt duo vel tres congregati in nomine meo, ibi sum in medio eorum. Tunc accedens Petrus ad eum dixit: Domine, quoties peccabit in me frater meus, et dimittam ei? usque septies? Dicit illi Jesus: Non dico tibi usque septies: sed usque septuagies septies.

Quo finito, et per Pontificem libro osculato, et ipso incensato, Pontifex sine mitra ante sedem praedictam versus ad altare, atque aliis omnibus in locis suis genuflexis, incipit schola prosequente hymnum: Veni Creatur Spiritus. Et dicitur totus, ut supra pag. 23. Finito primo versu, Pontifex surgens, stat versus ad altare, detecto capite usque ad finem hymni. Simili modo faciunt omnes alii. Expleto hymno omnes sedent. Pontifex sedens cum mitra Synodum his verbis alloquitur, si velit:

Venerabiles et dilectissimi fratres. Convenit, ut ea, quae ecclesiasticis officiis et sacerdotalibus gradibus, vel etiam canonicis sanctionibus propter diversas occupationes, aut (quod negare non possumus) propter nostram aliorumque desidiam, non tam plene, ut oportet, executae sunt: omnium nostrum unanimi consensu et voluntate requirantur, et humiliter coram charitate vestra recitentur; ut quae digna sunt emendatione, ad meliorem statum, auxiliante Domino, perducantur. Et cui fortasse aliquid, quod digestum est, displicet, charitati vestrae cum benignitate et modestia intimare non differat; quatenus totum, quod synodali conventionem nostra statu-

tum fuerit vel renovatum, absque omni contrarietate, concordia sanctae pacis ab omnibus aequè custodiatur ac teneatur, ad augmentum aeternae beatitudinis omnium nostrum.

Demum Pontifex sedens cum mitra admonet congregatos, si placet, sub hujusmodi verbis, quae sancto Udalrico, episcopo Augustano in Vindelicis, (923—973) adscribuntur:

Fratres dilectissimi et Sacerdotes Domini: Cooperatores Ordinis nostri estis. Nos quamvis indigni, locum Aaron tenemus, vos autem locum Eleazari et Ithamari. Nos vice duodecim Apostolorum fungimur, vos ad formam septuaginta duorum discipulorum estis. Nos pastores vestri sumus, vos autem pastores animarum vobis commissarum. Nos de vobis rationem reddituri sumus summo Pastori nostro Domino Jesu Christo, vos de plebibus vobis commendatis. Et ideo, fratres dilectissimi, videte periculum vestrum. Admonemus itaque et obsecramus fraternitatem vestram, ut quae vobis suggerimus, memoriae commendetis et opere exercere studeatis. In primis admonemus, ut vita et conversatio vestra sit irreprehensibilis. In domibus vestris mulieres non cohabitent. Officium vestrum horis certis decantate. Nullus, nisi jejunos, Missam celebret, et non in vestibus communibus, sed sacris et nitidis, amictu, alba, cingulo, manipulo, stola et casula, quae ad alios usus non serviant. Missas religiose celebrate: Corpus et Sanguinem Domini nostri Jesu Christi cum omni reverentia et tremore sumite. Corporalia mundissima sint. Vasa sacra propriis manibus abluite et extergite diligenter. Nulla femina ad altare Domini accedat, nec calicem Domini tangat. Altare sit coopertum mundis linteis, saltem tribus diversis. Et desuper nihil ponatur, nisi reliquiae ac res sacrae et pro sacrificio opportunae. Missale et Breviarium unusquisque habeat. Ecclesiae vestrae bene sint coopertae et mundae. In sacristiis sive

secretariis aut juxta altare majus sit locus prae-
paratus ad infundendum aquam ablutionis corpora-
lium et vasorum sacrorum ac manuum, postquam
sanctum Chrisma aut oleum Catechumenorum vel
Infirmorum tractaveritis. Ibiq̃ue pendeat vas cum
aqua munda, pro lavandis manibus Sacerdotum et
aliorum, qui rem sanctam et officium divinum sunt
peracturi, et prope linteam mundum ad illas abster-
gendum. Atria Ecclesiae sint bene munita. Nullus
extra Ecclesiam in locis non consecratis celebret.
Nullus in alterius parochia absque proprii Sacerdotis
licentia Missam celebret. In celebratione quisque
Calicem et oblata non circulo aut digitorum vacilla-
tione, ut quidam faciunt, sed junctis et extensis digitis
cruce signet sicque benedicat. Calix et patena sint
aurei vel argentei, non aerei aut aurichalcei, vitrei
vel lignei. Quisque Presbyter clericum habeat vel
scholarem, qui cum eo Psalmos cantet, Epistolam et
Lectionem legat, et in Missa respondeat. Ipse quo-
qua Presbyter infirmos visitet et reconciliet et
juxta Apostolum propria manu communicet, oleo
sancto inungat. Per negligentiam vestram nullus
infans sine Baptismo et adultus sine Communione
pereat. Nullus vestrum sit ebriosus aut litigiosus.
Nullus arma ferat. Nullus canum aut avium jocos
inserviat, nullus in tabernis bibat. Quisque vestrum,
quantum sapit, de Evangelio Dominicis et ceteris
festivis diebus suae plebi annuntiet. Verbum Domini
praedicate. Curam pauperum, peregrinorum, vidua-
rum et orphanorum habete; ipsosque peregrinos ad
prandium vestrum vocate. Estote hospitales, aliis
exinde bonum exemplum praebentes. Singulis diebus
Dominicis ante Missam aquam, qua populus asper-
gatur, benedicite, ad quod vas proprium habete. Vasa
sacra et vestimenta sacerdotalia nolite negotiatori
aut tabernario in pignus dare. Facultates vestras
post ordinationem vestram acquisitas non alienate,
quoniam Ecclesiae sunt. Nullus etiam res et

possessiones Ecclesiae vendere, commutare, aut quocumque ingenio praesumat alienare. Nullus decimam alterius recipiat. Quisque fontes baptismales lapideos habeat bene mundos; quos si habere non poterit, vas aliud ad hoc opus solum deputatum teneat. Omnibus parochianis vestris Symbolum et Orationem Dominicam insinuate. Ieiunia Quadragesimae, Quatuor Temporum et alia Ecclesiae mandata significate observanda. Tribus temporibus in anno, id est, Nativitate Domini, Pascha et Pentecoste, omnes fideles accedere ad communionem corporis Domini nostri Jesu Christi admonete, et ne omittat, quin saltem in Pascha communicet. Nullus vestrum rubeis aut viridibus vel laicalibus vestibus utatur. Diem Dominicam et ceteras festivitates absque opere servili a vespera in vesperam celebrari docete. Cantus et choreas mulierum in atrio Ecclesiae prohibete. Incantationes super mortuos nocturnis horis a vulgo fieri consuetas sub contestatione Dei omnipotentis vetate. Cum excommunicatis nolite communicare: Nec quis vestrum in eorum praesentia celebrare praesumat, quod etiam plebi nuntiate. Et nullus ex plebe uxorem domum ducat, nisi prius nuptiae temporibus ab Ecclesia permissis publice fuerint celebratae. Quod nullus ad raptam vel consanguineam accedat, aut alterius sponsam ducat, omnimodis prohibete. Porcarios et alios pastores saltem Dominica die faciatis venire ad Missam. Patrinos ut filiolos Symbolum et Orationem Dominicam doceant aut doceri faciant, exhortamini. Sacramentum Eucharistiae, sanctum Chrisma et Oleum Catechumenorum, ac Sanctum seu Infirmorum, in Ecclesia in loco mundo, condecienti et securo, sub sera et fida custodia diligenter servate. Quisque vestrum expositionem Symboli et Orationis Dominicae juxta orthodoxorum Patrum traditiones penes se habeat, easque atque Orationes Missarum et Epistolas, Evangelia et Canonem bene intelligat, ex

quibus praedicando, populum sibi commissum sedulo instruat, et maxime non bene credentem. Introitum Missae, Orationes, Epistolam, Graduale, Evangelium, Symbolum et cetera non secreta, alta et intelligibili voce proferat. Secreta vero et Canonem morose et distincte submissa voce legat. Psalmorum verba et distinctiones regulariter cum Canticis consuetis intelligibiliter pronuntiet. Symbolum sancti Athanasii de Trinitate et fide Catholica memoriter teneat. Exorcismos et Orationes ad Catechumenos faciendos, ac reliquas preces super masculum et feminam, pluraliter vel singulariter respective, distincte proferat. Ordinem baptizandi, et ad succurrendum infirmis, reconciliationis et commendationis animae, et in agendis exequiis defunctorum, juxta modum canonici observet. Exorcismos et benedictiones salis et aquae pertinenter legat. Canticum diurnum et nocturnum sciat. Computum etiam minorem ad inveniendum litteram Dominicalem, tempus intervalli diei Paschae et majorum mobilium Festorum non ignoret. Volumus autem, frates dilectissimi, quatenus quae nostra percepistis traditione, bonis studeatis operibus adimplere, praestante Domino nostro Jesu Christo, cui cum Patre et Spiritu sancto est honor et gloria in saecula saeculorum.

b) Oratio post Sessionem finalem.

Oremus. Nulla est, Domine, humanae conscientiae virtus, quae inoffense possit tuae voluntatis judicia experiri, et ideo, quia imperfectum nostrum vident oculi tui, perfectioni deputa misericors Deus, quod perfecto aequitatis fine concludere peroptamus; te in nostris principiis occurrentem poposcimus, te in hoc fine judiciorum nostrorum indultorem nostris excessibus speramus, scilicet, ut ignorantiae parcas, errori indulgeas, ut perfectis votis perfectam operis efficaciam largiaris: et quia conscientia remordente, tabescimus, ne aut ignorantia nos traxerit in errorem,

ant praeceps forsitan voluntas impulerit, justitiam declinare; hoc te poscimus, te rogamus, ut si quid offensionis in hac Synodi celebritate contraximus, te miserante, indulgentiam sentiamus: ut in eo, quod soluturi sumus aggregatam Synodum, a cunctis primum absolvamur nostrorum nexibus delictorum; qualiter et transgressores venia et confitentes tibi subsequatur remuneratio sempiterna. Per Christum Dominum nostrum.

R. Amen.

Dedicatio et Consecratio Sacratissimo Cordi Jesu.

O dulce Cor Jesu, boni Pastoris et Sacerdotis in aeternum, Domini et Regis nostri, divini Salvatoris et Reparatoris generis humani — in quo infinitus misericordiae et bonitatis divinae thesaurus nobis revelatur, en, nos in sacra Synodo congregati vehementi accendimur desiderio, Tuam maiorem curandi gloriam omnesque Tibi illatas reparandi iniurias. Proinde nos nostraque omnia, dioecesim nostram Lavantinam, universum Clerum cum cuncto populo curae nostrae pastoralis commisso — Tibi, amoris nostro, vovemus, dedicamus et consecramus, ut ex illo uberrimo donorum coelestium fonte et origine omnes hauriamus, gustantes et videntes omnibus diebus vitae nostrae, perquam suavis ac clemens sit Dominus iis potissimum, qui sese Ipsi offerunt.

O Jesu, mitis et humilis corde, fac cor nostrum sicut Cor Tuum, quod amare, colere et adorare cupimus. Dulcissime Jesu, non sis nobis iudex sed salvator. Serva, humillime Tuam precamur misericordiam, incolumes et in Tua dilectione cultuque Tuo perseverantes, quos ad gregis Tuo pretiosissimo sanguine redempti curam ac custodiam elegisti. Salvum fac plebem Tuam Tibi specialiter devotam, et benedic haereditati Tuae. Confirma, quod operatus es in nobis mediante hac sacra Synodo, quam Te opitu-

lante celebravimus, ut ad maiorem Dei gloriam, ad ecclesiae regni Tui decus et ad aeternam pastorum oviumque salutem proficiat, atque in perpetuum nostrae erga sacratissimum Cor Tuum ferventis devotionis et pietatis maneat monumentum.

O Jesu, dulcis memoria, in unione illius divinae intentionis, qua Ipse in terris per sanctissimum Cor Tuum laudes Deo persolvisti et nunc continenter Eucharistiae Sacramento ubique terrarum persolvis usque ad consummationem saeculi, nos Lavantini ad imitationem purissimi Cordis beatae Mariae semper Virginis Immaculatae Tibi libentissime pro futuro offerimus omnes nostros affectus, omnia nostra desideria, consilia et proposita, omnes nostros labores et sudores, omnia nostra opera et verba et cogitata. Effunde super nos gratiam Tuarum illustrationum, ut semper, quae vera et recta sunt, cognoscamus et opere impleamus. Imple nos Tuo amore, ut omnes unum simus, sicut Tu et Pater Tuus estis unum. Adveniat et propagetur regnum gratiae Tuae diem de die in Dioecesi nostra, ut omnes dioecesani laudent et glorificent sempiternam Tui melliflui Cordis charitatem.

V. Cor Jesu, flagrans amore nostri.

R. Inflamma cor nostrum amore Tui.

Oremus.

Illo nos igne, quaesumus Domine, Spiritus Sanctus inflammet, quem Dominus noster Jesus Christus e penetralibus Cordis Tui misit in terram, et voluit vehementer accendi. Qui Tecum vivit et regnat et in unitate eiusdem Spiritus sancti Deus per omnia saecula saeculorum. Amen.

Suffragia

in fine Synodi persolvenda.

Quum Acclamationes ex instructione Caeremonialis Romani in Synodis dioecesanis parcius adhibendae

sint, hinc in fine hujus ultimae Sessionis peracta per Pontificem oratione: „Nulla est Domine“, prout supra exhibetur, persolventur Suffragia. — Sedente videlicet Episcopo in throno Secretarius Synodi procedit ad altare, et conversus ad Synodum alta voce dicit singula Invitatoria, et post Responsoria Cleri singulas Orationes ordine sequenti:

Invitatorium: Oremus pro Beatissimo Papa nostro Leone XIII.

Respons. Cleri: Dominus conservet eum, et vivificet eum et beatum faciat eum in terra, et non tradat eum in manibus inimicorum ejus.

Oratio: Omnipotens, sempiternus Deus, miserere famulo tuo Pontifici nostro Leoni et dirige eum secundum tuam clementiam in viam salutis aeternae, ut te donante tibi placita cupiat, et tota virtute perficiat. Per Dominum.

Invitatorium: Oremus pro Celsissimo ac Reverendissimo Domino Michaelae Antistite nostro vigilantissimo.

Respons. Cleri: Salvum fac servum tuum, Deus meus, sperantem in te; mitte ei auxilium de sancto, et de Sion tuere eum.

Oratio: Deus omnium fidelium pastor et rector famulum tuum Michaellem, quem pastorem Ecclesiae Lavantinae praeesse voluisti, propitius respice; da ei, quaesumus, verbo et exemplo, quibus praeest, proficere, ut ad vitam una cum grege sibi credito perveniat sempiternam. Per Dominum.

Invitatorium: Oremus pro omnibus Presbyteris, Diaconis, Subdiaconis, Acolythis, Exorcistis, Lectoribus, Ostiariis et Clericis; pro omnibus in Synodo congregatis et pro fratribus nostris absentibus.

Respons. Cleri: Memento Congregationis tuae, Domine, quam possedisti ab initio.

Oratio: Omnipotens sempiternus Deus, cujus spiritu totum corpus Ecclesiae sanctificatur et regitur, exaudi nos pro universis ordinibus supplicantes, ut

gratiae tuae munera ab omnibus tibi gradibus fideliter serviat. Per Dominum . . . in unitate ejusdem Spiritus.

Invitatorium: Oremus pro Augustissimo Imperatore et Rege nostro Francisco Josepho.

Respons. Cleri: Domine saluum fac Imperatorem et Regem nostrum, et exaudi nos in die, qua invocaverimus te.

Oratio: Quaesumus omnipotens Deus, ut famulus tuus Franciscus Josephus, Imperator et Rex noster, qui tua miseratione suscepit regni gubernacula, virtutum etiam omnium percipiat incrementa, quibus decenter ornatus vitiorum monstra devitare, hostes superare et ad te, qui via, veritas et vita es, gratosus valeat pervenire. Per Dominum.

Invitatorium: Oremus pro universis hujus civitatis Christifidelibus et pro coetibus nobis commissis.

Respons. Cleri: Saluum fac populum tuum Domine, et benedic haereditati tuae.

Oratio: Praetende, Domine, fidelibus tuis dexteram coelestis auxilii, ut te toto corde perquirant, et quae digne postulant, consequi mereantur. Per Dominum.

Invitatorium: Oremus pro fidelibus defunctis.

Respons. Cleri: Requiem aeternam dona eis Domine, et lux perpetua luceat eis.

Oratio: Deus, qui inter apostolicos sacerdotes famulos tuos pontificali seu sacerdotali fecisti dignitate vigere, praesta, quaesumus, ut eorum quoque perpetuo aggregentur consortio.

Deus veniae largitor et humanae salutis amator, quaesumus clementiam tuam, ut nostrae congregationis fratres, propinquos et benefactores, qui ex hoc saeculo transierunt, beata Maria semper Virgine intercedente cum omnibus Sanctis tuis, ad perpetuae beatitudinis consortium pervenire concedas.

Fidelium Deus omnium Conditor et Redemptor, animabus famulorum famularumque tuarum remis-

sionem cunctorum tribue peccatorum, ut indulgentiam, quam semper optaverunt, piis supplicationibus consequantur. Qui vivis et regnas Deus in saecula saeculorum. Amen.

Finitis his Suffragiis Episcopus stans in throno dicit:

Totius Synodi Clero pacem, concordiam et gratiam a Domino!

Respons. Cleri: Deo gratias! Amen.



Forma professionis fidei.

Ego N. firma fide credo et profiteor omnia et singula, quae continentur in Symbolo fidei, quo sancta Romana Ecclesia utitur, videlicet: Credo in unum Deum, Patrem omnipotentem, factorem coeli et terrae, visibilium omnium, et invisibilium. Et in unum Dominum Jesum Christum, Filium Dei unigenitum. Et ex Patre natum ante omnia saecula. Deum de Deo, lumen de lumine, Deum verum de Deo vero. Genitum, non factum, consubstantialem Patri, per quem omnia facta sunt. Qui propter nos homines, et propter nostram salutem descendit de coelis. Et incarnatus est de Spiritu sancto ex Maria virgine: et homo factus est. Crucifixus etiam pro nobis sub Pontio Pilato passus et sepultus est. Et resurrexit tertia die secundum Scripturas. Et ascendit in coelum; sedet ad dexteram Patris. Et iterum venturus est cum gloria judicare vivos et mortuos; cujus regni non erit finis. Et in Spiritum sanctum Dominum, et vivificantem, qui ex Patre Filioque procedit. Qui cum Patre et Filio simul adoratur et conglorificatur: qui locutus est per Prophetas. Et unam sanctam Catholicam et Apostolicam Ecclesiam. Confiteor unum baptisma in remissionem peccatorum.

Et exspecto resurrectionem mortuorum. Et vitam venturi saeculi. Amen.

Apostolicas et Ecclesiasticas traditiones, reliquasque ejusdem Ecclesiae observationes et constitutiones firmissime admitto et amplector. Item sacram Scripturam juxta eum sensum, quem tenuit et tenet sancta mater Ecclesia, cujus est judicare de vero sensu et interpretatione sacrarum Scripturarum, admitto; nec eam unquam nisi juxta unanimum consensum Patrum accipiam et interpretabor.

Profiteor quoque, septem esse vere et proprie Sacramenta novae legis, a Jesu Christo Domino nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Poenitentiam, Extremam unctionem, Ordinem et Matrimonium; illaque gratiam conferre, et ex his Baptismum, Confirmationem et Ordinem sine sacrilegio reiterari non posse. Receptos quoque et approbatos Ecclesiae Catholicae ritus, in supradictorum omnium Sacramentorum sollemni administratione recipio et admitto; omnia et singula, quae de peccato originali et de justificatione in sacrosancta Tridentina Synodo definita et declarata fuerunt, amplector et recipio.

Profiteor pariter, in Missa offerri Deo verum, proprium et propitiatorium sacrificium, pro vivis et defunctis; atque in sanctissimo Eucharistiae Sacramento esse vere, realiter et substantialiter corpus et sanguinem una cum anima et divinitate Domini nostri Jesu Christi, fierique conversionem totius substantiae panis in corpus et totius substantiae vini in sanguinem, quam conversionem Catholica Ecclesia Transubstantiationem appellat. Fateor etiam, sub altera tantum specie totum atque integrum Christum, verumque Sacramentum sumi.

Constanter teneo, Purgatorium esse animasque ibi detentas fidelium suffragiis juvari. Similiter et Sanctos una cum Christo regnantes, venerandos atque

invocandos esse, eosque orationes Deo pro nobis offerre, atque eorum reliquias esse venerandas. Firmissime assero, imagines Christi ac Deiparae semper virginis nec non aliorum Sanctorum habendas et retinendas esse, atque eis debitum honorem ac venerationem impertiendam. Indulgentiarum etiam potestatem a Christo in Ecclesia relictam fuisse, illarumque usum Christiano populo maxime salutarem esse affirmo. Sanctam Catholicam et Apostolicam Romanam Ecclesiam omnium Ecclesiarum matrem et magistram agnosco; Romanoque Pontifici, beati Petri Apostolorum principis successori ac Jesu Christi Vicario, veram obedientiam spondeo ac juro. Cetera item omnia a sacris Canonibus et oecumenicis Conciliis ac praecipue a sacrosancta Tridentina Synodo et ab oecumenico Concilio Vaticano tradita, definita et declarata, praesertim de Romani Pontificis Primatu et infallibili magisterio indubitanter recipio atque profiteor; simulque contraria omnia, atque haereses quascumque ab Ecclesia damnatas et rejectas et anathematizatas, ego pariter damno, rejicio et anathematizo. Hanc veram Catholicam fidem, extra quam nemo salvus esse potest, quam in praesenti sponte profiteor, et veraciter teneo, eandem integram, et inviolatam, usque ad extremum vitae spiritum, constantissime Deo adjuvante retinere et confiteri, atque a meis subditis vel illis, quorum cura ad me in munere meo spectabit, teneri, doceri et praedicari, quantum in me erit, curaturum: ego idem N. spondeo, voveo ac juro. Sic me Deus adjuvet, et haec sancta Dei Evangelia.



INDEX.

	Pag.
Praenotanda	3
De prima Congregatione generali	4
De prima Sessione publica	6
De Congregationibus particularibus	8
De secunda Congregatione generali et altera Sessione publica	9
De tertia, quarta et quinta Congregatione generali	10
De tertia et ultima Sessione publica	11
Preces in Synodo persolvendae:	
ante actionem synodalem	12
post actionem synodalem	14
Preces in Sessionibus publicis:	
in Sessione primae diei	15
in Sessione secundae diei	24
in Sessione tertiae diei	27
Dedicatio et Consecratio Sacratissimo Cordi Jesu	34
Suffragia in fine Synodi	35
Forma Professionis fidei	38



COBISS :042:00

NARODNA IN UNIVERZITETNA
KNJIŽNICA



00000438107

